



## Publicaziuns dalla vischnaunca, jamna 28

### Damonda da baghegiar

#### Nr. 2010-1035

**Datum da publicaziun:** ils 16 da fenadur 2010

**Ils patruns:** Ivo e Denise Monn-Bundi, Via Denterpraus 9, 7186 Segnas

**Il representant:** Ivo Monn GmbH, Via Denterpraus 9, 7186 Segnas

**Object:** Construcziun d'ina garascha nova ed engrondaziun dalla casa, parcella nr. 407, Via Denterpraus 9, 7186 Segnas

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.  
Disentis/Mustér, ils 13-7-2010

*Uffeci da baghegiar Disentis/Mustér*

---

### Damonda da baghegiar

#### Nr. 2010-1036

**Datum da publicaziun:** ils 16 da fenadur 2010

**Il patron:** Recal AG, Via Alpsu 49, 7180 Disentis/Mustér

**Il representant:** Aluis Huonder, architect dipl. FH SIA, Via da Scola 18, 7180 Disentis/Mustér

**Object:** Completaziun dil baghetg cun ina habitaziun, parcella 3626, Via Lucmagn 24, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.  
Disentis/Mustér, ils 13-7-2010

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### Nr. 2010-1012

Monika Wieland-Jacob, Hauptstrasse 14, 7402 Bonaduz; Spazzar e reconstruir il baghetg annex ed installar ina tualetta cun aua, sco era ina sfunsera senza deflusiun, parcella 3054, Tschuppina, 7186 Segnas.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun. Disentis/Mustér, ils 13-7-2010

*Uffeci da baghegiar Disentis/Mustér*

---



### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziav suandont project:

#### Nr. 2010-2075

Cuminonza da condomini parcella 984, c/o Severin Lutz, Via Veier 8, 7180 Disentis/Mustér; adattar igl esch dil balcon e la finiastra el plaunterren, remplazzar las finiastras, baghegtg sin parcella 984, Via Veier 8, 7180 Disentis/Mustér. Encunter quella decisiun san ins protestar a scret enteifer 20 dis dapi la publicaziun alla suprastonza communal. Disentis/Mustér, ils 12-7-2010

*Uffeci da baghegiar Disentis/Mustér*

---

### Sanaziun dalla casa communal Informaziun e retscherca

#### Informaziun

Las lavurs da sanaziun vid la casa communal s'avanzeschan tenor program. Muort la sanaziun vegnan las uras d'avertura dil spurtegl dall'administraziun communal restrenschidas **entochen la fin d'uost 2010** sco suonda:

**gliendisdis–venderdis:  
avonmiezdi 9.00–11.00 uras  
suentermiezdi 14.00–16.00 uras**

Entochen ca. miez d'uost 2010 sesanfla il spurtegl dall'administraziun communal improvisau el plaunterren en stanza da sedutas nr. 1.

#### Retscherca

Per saver reconstruir aschi bein sco pusseivel la sculptura vid la casa communal el stan d'antruras (sculptura gronda cun maletgs picturai), vegn tschercau fotografias da quei stan. Tgi che posseda ina tala fotografia ni era in dia dalla sculptura, vegn supplicaus da s'annunziar tier l'administraziun communal (tel. 081 920 36 36). Bien engraziament pigl interess e la capientscha.

*Suprastonza communal*

---

### Carrar sin vias d'uaul

Sebasond sin la lescha forestala sco era il regulativ da diever dallas vias d'uaul cun vehichels a motor basegna ei ina **carta annuala** per astgar carrar sin las vias d'uaul. Retscheiver ina tala carta annuala san:

- proprietaris ed affittaders da beins immobiliars pigl access tier lur schischom;
- persunas per lur activitad professiunala;
- survetschs d'apport per intents specials, sco per visetas allas alps, camonas e tegias etc.;
- persunas impedidas.

La taxa persunter munta **frs. 80.–**. Cumprui en quella summa ein 2 cartas annualas (1 carta sil num e l'autra sin la numera d'auto).

### Diever agricol

Aschinavon ch'ei vegn carrau cun **maschinas agricolas** basegna ei **negina legitimaziun da carrar**. Cass contrari valan medemamein las suramenziunadas prescripziuns, la taxa persunter munta denton sulettamein a frs. 10.– (taxa administrativa).



### Taxas da carrar

Carta dil di frs. 15.–  
jannila frs. 25.–  
meinsila frs. 40.–  
annuala frs. 80.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetteria dil Center da sport e cultura. La polizia communal controllescha il carrar sin las vias d'aul e castigescha surpassaments.

*Suprastonza communal*

---

### Prescripziuns pertuccont igl encurir bulius

Igl encurir bulius ei reglaus el cantun Grisch ella lescha e l'ordinaziun davart la protecziun dils bulius. En special valan suandontas prescripziuns:

- Egl interval digl **1. entochen e cun il 10avel** di da mintga meins eis ei **scumandau** d'encurir bulius;
- Il **quantum maximal** ch'ins astga rimnar per persuna e per di da tuttas specias da bulius munta a **2 kg**;
- Vandalissem da bulius ei scumandaus;
- Il **diever d'utensils** da tuttas specials per rimnar bulius ei **scumandaus**;
- Rimnar bulius en gruppas da **pli che treis personas**, cun excepziun da famiglias, ei buca lubiu.

Nus supplichein la populaziun da respectar quellas disposiziuns ed engraziein per la capientscha.

*Suprastonza communal*

---

### Fiasta officiala digl 1. d'uost

La fiasta digl 1. d'uost 2010 ha danovamein liug a Fontanivas. La manifestaziun entscheiva allas 19.00 uras cun ina grillada cun risot e divertiment musical cun la gruppa Alpenpower. Plinavon seprentan ils Sunatibas Postabiala da Sumvitg. Allas 20.30 uras suonda igl act festiv cun plaid da beinvegni.

Igl ulteriur program sepresenta sco suonda:

21.30 til da lampiuns  
22.30 fiug bengal sper il lag  
23.30 finiziun dalla part officiala

### Pusseivladad da transport:

#### Partenza cun bus:

19.00 ni allas 20.00 avon casa communal

#### Retuorn a casa: (Fontanivas–Mustér)

23.00, 24.00, pli tard tenor basegns

*Suprastonza communal*



### Offizielle 1.-August-Feier

Die diesjährige 1.-August-Feier findet erneut in Fontanivas statt. Die Manifestation beginnt um 19.00 Uhr mit Grillspezialitäten mit Risotto und musikalischer Unterhaltung mit der Live-Band Alpenpower. Des Weiteren präsentiert sich die Alphorngruppe Sunatibas Postabiala aus Sumvitg. Um 20.30 Uhr folgt der Festakt mit Willkommensgruss.

Das weitere Programm präsentiert sich wie folgt:

21.30 Uhr Lampionumzug  
22.30 Uhr Feuerwerk am See  
23.30 Uhr Ende des offiziellen Teils

### Transportmöglichkeit

#### Abfahrt mit Bus:

19.00 oder 20.00 Uhr vor dem Gemeindehaus

#### Rückfahrt: (Fontanivas–Disentis)

23.00 Uhr, 24.00 Uhr, später nach Bedarf

*Gemeindevorstand*

---

### Premi Desertina 2010

Suenter ina interrupziun da dus onns ei previu da surdar uonn puspei il Premi Desertina. Nus envidein perquei vischinas e vischins sco era uniuns ed instituziuns da far propostas per nominaziuns. Las propostas ein d'inoltrar entochen ils **31 da fenadur 2010** alla presidenta dalla cumissiun, geraua Cecilia Maissen-Desax, Via Cuoz-Sut 5, 7180 Disentis/Mustér. Las propostas san era vegnir annunziadas via e-mail all'adressa: [cmaissendesax@xdsl-gr.ch](mailto:cmaissendesax@xdsl-gr.ch). Premiai vegnan personas privatas sco era instituziuns ed organisaziuns. Ils undrai ston esser domiciliai en vischnaunca ni haver ina relaziun speciala cun la vischnaunca. Ulteriurs sclariments sur dil Premi Desertina anfleis Vus sin la pagina d'internet dalla vischnaunca da Mustér [www.disentis.ch](http://www.disentis.ch) *Sport/Temps liber/Cultura ni sut Servis/Spurtegl virtual/Leschas/300 Reglament Premi Desertina*.

*Cumissiun Premi Desertina*

---

### Pumpiers Sursassiala Incorporaziun 2011

Dunnas ed umens che giavischan da prestar activamein survetsch da pumpiers naven da 2011 (Medel e Mustér annadas 1969–1991, Tujetsch annadas 1970–1989) ein supplicai da s'annunziar **entochen ils 30 da fenadur 2010** al commando da pumpiers sut [info@pumpiers.ch](mailto:info@pumpiers.ch) ni a scret a Pumpiers Sursassiala, Via Salez 11, 7186 Segnas. Las personas dallas annadas suranumnadas ein obligadas 2011 al survetsch da pumpiers entras prestar survetsch activ ni entras pagar ina taxa da cumpensaziun.

*Commando Pumpiers Sursassiala*

---

### Messa alpestra

**Dumengia, ils 25 da fenadur** allas 11.30 messa alpestra sill'alp Lumpegna. En cass da macort'aura vegn la messa refretga sin dumengia, igl 1. d'uost. Suenter messa vegn grillau e stau da cumpignia. Cordial beinvegni

*ils responsabels dall'alp*



### Apparats d'udida

**Gliendisdis, ils 26 da fenadur 2010** denter las 14.00 e las 16.00 uras saveis Vus schar schubergiar e regular Vies apparat d'udida en Casa da tgira Sursassiala. Arthur Jacomet fa quei survetsch per tuts interessents gratuitamein. Liug: Casa da tgira Sursassiala, stiva da schiember. Cordiala invitaziun

*Casa da tgira Sursassiala*

---

### Preavis: Lotto a Mustér

#### **Sonda, ils 20 da november 2010**

Nus supplichein autras uniuns da risguardar quei datum. Cordialmein envida

*Uniun Indoor-Festival*

---

### **Uniun samaritana Mustér Acziun da spender saung**

L'acziun da spender saung per donaturas e donaturs dallas vischnauncas da Medel e Mustér ha liug:

**Gliendisdis, ils 26 da fenadur 2010 dallas 18.00–20.00 uras en halla Cons.**

Nus engraziein grondamein per quei bien survetsch en favur da malsauns e disgraziai e sperein sin ina stedia participaziun. Cordial beinvegni

*Uniun samaritana Mustér*

---

### **Secziun da catschadurs Péz Alpetta Mustér**

#### **Trenament da sittar a Sars sut**

gievgia, 22-7-2010 18.00–20.00

venderdis, 6-8-2010 18.00–20.00

venderdis, 13-8-2010 18.00–20.00

venderdis, 20-8-2010 18.00–20.00

#### **sonda, 21-8-2010 13.00–18.00 Tir intern**

venderdis, 27-8-2010 18.00–19.00

gievgia, 16-9-2010 18.30–19.30

sonda, 25-9-2010 6.00–15.00 catscha communabla voluntaria per ils commembers

secziun Péz Alpetta

---



**Ludoteca Mustér**

**Liug/Ort: Halla Cons, tel. 076 494 39 92**

**e-mail: ludoteca@disentis.ch**

**Uras d'avertura / Öffnungszeiten:**

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

**Adatg!**

**Ils meins fenadur ed uost resta la ludoteca mintgamai serrada la gievgia.**

*Vies team dalla ludoteca*

---

**Biblioteca populara, Mustér**

**Liug: Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)**

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

**La biblioteca ei aviarta il fenadur ed uost:**

Gliendisdis/Montag 18.30–20.00

Venderdis/Freitag 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

*Biblioteca populara Mustér*

---